



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolæ per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Consid. de voluptatum amore.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

tereris, summo odio Seductorem hunc tuum prosequeris, & insignem de eo vindictam caperes? cur ergo non eadem agis erga amorem proprium, qui in peccatum te suis fraudibus pertraxit, ob quod æternis ignibus adjudicandus fuisset?

2. Si Famulus ille in agone summo pere doluit, quod tandem tali Domino servierit, qui cum ne per mediam quidem horam à morbo liberare potuit; quanto magis tu olim doleris, quod amori proprio servieris, qui summorum tibi malorum causa extitit?

3. Ei, qui semel in gravis momenti negotio te decepit, nunquam amplius fides; cur ergo amoris proprii ductum etiamnum sequeris, qui toties te decepit?

4. An non stultum diceres eum, qui neglecto sapientissimorum Virorum consilio, unius pessimi & insani hominis suasionem sequeretur? quanto stultior ergo tu eris, si neglecto DEI, Sanctorum, & omnium Bonorum consilio & exemplo, quo Mundum cum suis vanitatibus spernendum dicunt, solum proprium amorem contraria suadentem audias?

5. Cur miseram censes Regum Principumque conditionem, si Adulatoribus eos faciles nimis aures præbere advertis; & non potius miseriorem reputas statum tuum, qui tan noxio Adulatori, id est, Amori proprio tam cupidè ac pertinaciter auscultas?

CONSIDERATIO DE VOLUPTATUM AMORE.

SI, quidquid animam ex corpore tuo pellit tam studiose ac potenter arcere satagis, cur voluptates admittis, de quibus dictum nôsti: non permanebit Spiritus meus in homine quia caro est?

2. Fenellæ Reginae pomum, telis ad tactum erumpentibus plenum, si tibi insidiarum conscio offerretur, onni conatu respueres; cur pomum voluptatis tot malis gravissimum refertum tam ardentè expetis, & contrectas?

3. Dum iter facis, lutosam viam, quanto potes, studio declinas; cur ad cælum tendens ultro per viam lutosam voluptatum, non sine defectionis & salutis periculo, incedere affectas?

4. Quale scelus crederes illius, qui Christum ex sacro

hierotheca eijceret, & ejus loco stercus reponeret; cur ergo tu, ejectione DEO ex corde, voluptatum stercus illius loco imponere non erubescis?

5. Si pudet sapere cum vulgo hominum, cur non magis pudet vivere cum vulgo bestiarum, & cum porcis in luto voluptatum volutari?

6. Quid diceres de eo, qui stercore avidè appeteret, & deglutiret? an non insanire eum crederes? cur ergo tu voluptates, quas S. Paulus & alij viri sancti ut stercore æstimabant, & averfabantur, tam cupidè quæris?

7. Angeli felicissimè vivunt, & tamen omnibus terrenis voluptatibus carent, cur non & tu abstines ab illis, ut in Angelorum conditionem transeas? quæ per æternitatem non desideraturus es, & eris beatus, potes modò non cupere, & non eris miser.

8. Ager corpore fastidit omnes voluptates, & averfatur, cur non idem possit is, qui mente sanus est? an fortè non poterit robur gratiæ, quod potest vitium naturæ?

CONSIDERATIO

DE INDIFFERENTIA.

1. Viator non quæ jucundior sit via, sed quæ rectior, quærit; cur ergo non & tu eam viam ad perfectionem & cælum, quæ rectior, id est, DEI voluntati conformior est, quæris, omisâ eâ, quæ tibi jucundior videtur?

2. Si unum omnes Christiani & Religiosi corpus sunt, cur pedis officium subire refugis? an non pedem æquè ac caput Sancti alicujus veneramus?

3. In Comædia non qui digniorem Personam repræsentat, sed qui melius suam, quæcunque tandem illa sit, Personam agit, potior & laudabilior censetur; cur ergo tu non potius labores, ut Personam tibi commissam bene sustineas, quàm ut alia tibi, eâque dignior committatur? an nescis plerumque in Comædijs Mendicos & Rusticos magis delectare & placere?

4. Si pretiosum liquorem continent faciliùs vasa vitrea, aut terrea; cur tu, qui DEO es vas electionis, ut portes nomen ejus coram Gentibus, major aureus, id est, in dignitate &